

方脉舉要卷下

廬山劉開立之誤

傷寒溫疫表證

傷寒溫疫之病證候極多治法無出仲景書不可以私方私藥爲說古人云治傷寒有法療雜病有方然仲景方論深曠玄遠初學淺識一時難辨對證檢方按方用藥設有差誤禍不旋踵今以大畧言之開闢

初見凡治此病先要辨證是在表是在裏是陰證是陽證若審得端的一藥可安儻識不真以表作裏以裏作表以陰作陽以陽作陰誤藥必死其或疑似之間不若姑以兩可之藥探訪雖未即好亦不誤人學者當觀所謂浮沉遲數脈表裏虛實證關前爲陽關後爲陰此數語極爲切當何則浮爲在表沉爲在裏遲爲虛寒數爲實熱

陽主六腑陰主五臟在表汗之在裏下之虛則補之溫之實則瀉之涼之然陽脈實大或遲沉滑數者方可下陰脈盛大或遲實則可下仍要參之以證方可四肢疼痛頭目昏重發熱惡寒或往來寒熱或增寒發熱或嘔吐頭暈脈洪大浮盛或數或急煩渴引飲十指溫掌心熱便作陽證在表治之先投人參不二散十神湯五苓散加

麻黃杏仁甘草被覆汗出可愈熱未退參  
蘇飲加黃芩壯實小柴胡湯 身熱不渴  
小柴胡湯加桂枝渴甚加栝蒌表病輕者  
香葛湯頭痛甚者神木散 得汗而熱不  
退者參蘇飲 脉浮弱而無力雖掌心十  
指溫熱然十指甲青黑陽脉細弱或身體  
振慄者皆裏寒也當用真武湯以助其裏  
又有身體頭目盡痛發熱嘔吐雖春夏

之間亦多夜感寒冷之氣日受暑熱之毒  
或當風取涼證俱似傷寒者不可便投涼  
劑先用五苓散香薷散加甘草薑棗葱豉  
煎服 或用神木散打和煎服蓋覆出汗  
若先自汗出再汗無妨此藥夏秋交界盡  
可服之頭疼未止太陽丹有吐瀉潮熱只  
與五苓散加肉苳蔻服 又有春夏之交  
積陰之氣著人多冒濕候因暑熱之氣激



胃而發爲寒熱者五苓散加生附子白朮  
甘草發表利小便仲景云治濕不利小便  
非其治也 又有年高虛弱人頭疼身痛  
增寒壯熱或惡寒發熱不甚十分頭疼身  
痛脛不强脉浮弱或滑數者此爲痰飲當  
下氣豁痰爲先參蘇飲加木香養胃湯加  
附子不問四時傷寒傷風皆可用之仍蓋  
覆取汗若先自有汗但熱者不必蓋覆也

有心膈緊悶脇下鞭痛身微熱頭微寒  
或增寒壯熱或嘔吐痰食者皆由外感風  
寒內傷生冷痰食積聚膈上氣塞痰食相  
薄發而爲病者左手三部或弦緊微弱右  
手關上洪盛大數者皆積食所致感應圓  
清茶吞下痰壅者二陳湯吞下此是尋常  
病勢輕者可用 若的知是正傷寒病溫  
疫傳染之證積食胃經發爲寒熱譫語妄



亂者不可用感應丸二陳湯之類仲景云  
醫以羌藥下之非其治也當用黑神丸裏  
實有熱者承氣湯更宜審而用之若只在  
上膈一二日痰涎壅滯又有瓜蒂散吐之  
之法 又有感冒風濕四肢重著腰脚疼  
痛身無大熱脉陽濡陰急或浮或洪者五  
積散加牽牛五苓散加防己白朮生附子  
攻其濕氣 又有感風脉遲浮身微熱頭

微疼脇下痛欬嗽痰涎或嘔吐痰食小青  
龍湯五七服以發其表亦勢須得汗方效  
又有一家三兩人病證相似傳染者輕  
則先用芎芷香蘇散加升麻三五服未效  
敗毒散加大黃如升麻之數治法亦與傷  
寒大同小異 又有太陽受病潮熱不解  
以至鼻衄煩躁者不可便止血任其自止  
當用犀角地黄湯加茅花或根側柏黃芩

亂者不可用感應丸二陳湯之類仲景云  
醫以芫藥下之非其治也當用黑神丸裏  
實有熱者承氣湯更宜審而用之若只在  
上膈一三日痰涎壅滯又有瓜蒂散吐之  
之法 又有感冒風濕四肢重著腰脚疼  
痛身無大熱脉陽濡陰急或浮或洪者五  
積散加牽牛五苓散加防己白朮生附子  
攻其濕氣 又有感風脉遲浮身微熱頭

微疼脇下痛欬嗽痰涎或嘔吐痰食小青  
龍湯五七服以發其表亦勢須得汗方效  
又有一家三兩人病證相似傳染者輕  
則先用芫芷香蘇散加升麻三五服未效  
敗毒散加大黃如升麻之數治法亦與傷  
寒大同小異 又有太陽受病潮熱不解  
以至鼻衄煩躁者不可便止血任其自止  
當用犀角地黃湯加茅花或根側柏黃芩

煎服更當助以牛膽丸清利心經之毒切  
不可再汗汗之必死 又有婦人經血適  
行偶感冒發熱血爲熱迫致斷月經謂之  
熱入血室以致譫語妄言寒熱往來者亦  
不可發汗但與小柴胡湯元自汗者亦不  
可再汗兩脇築痛亦不可發汗當記沉微  
氣弱汗爲難之句 又有傷風脉浮頭疼  
壯熱醫者發汗過當遂成漏汗小便數少

汗出不止四肢沉重如故發熱者桂枝湯  
中加附子不三五服即安汗出熱退 又  
有虛弱人感冒寒邪或傷風冷發熱頭疼  
尺脉微弱關脉浮大無力者小建中湯數  
服以生其脉候脉息正當却與桂枝麻黃  
各半湯發散取汗令汗周徧 又有表裏  
俱虛感冒寒邪身痛頭疼傷風見寒脉脉  
浮緩而弱醫以柴胡參蘇過劑傷損其裏



身痛頭疼不解大便不通小便赤澀舌紅赤十指甲紫色此皆表證未除當先用桂枝麻黃各半湯二三服大發其汗候汗遍却以生附子京芍藥白朮甘草等分二三服以助其裏若大便未通加以煩躁却用調胃承氣湯微微下之斷可收效

傷寒裏證

惡熱不惡寒手心熱十指溫初焉潮熱頭

疼身痛今身不痛頭不疼不熱但兩腋下  
澀澀然兩手背或額頭上微微汗舌上白  
胎咽乾口燥兩眼紅赤或痰壅欬嗽往來  
潮熱或大便秘難小便赤澀或譫語妄言  
或脚膝冷厥或煩渴或不煩不渴但是舌  
上白胎唇口焦燥合當下者然且先用朱  
砂五苓散卻看脉息沉實或滑或濇沉細  
緊遲而尚有力者裏實也或三兩日不大

便即當用小承氣湯三兩服看其有轉麩  
氣即再投大承氣湯一服未通即再進以  
通利為度却要隨病輕重增損投藥病輕  
調胃承氣湯極穩 潮熱尚盛大柴胡湯  
加硝石大黃久而失於下者手足厥冷但  
要初焉有熱頭疼來者今脉雖小緊或沉  
實亦當微微利之若調胃承氣湯三五服  
不效投大承氣湯方得 又有小腹緊痛

者乃膀胱有熱熱血結聚亦致譫語妄言  
煩悶昏躁當用桃核承氣湯下後虛煩悶  
運五苓散牛黃丸麥門冬湯吞下夏間下  
後煩悶者黃連香薷散冷服 大凡下後  
雖是虛弱亦不可便補且服理中湯有餘  
熱者參蘇飲 虛損者竹葉石膏湯溫膽  
湯量虛實投之更可用桔梗甘草麥門冬  
通草半夏黃芩赤芍藥梔子仁咬咀煎服

又有傷寒合病兩經俱受邪氣潮熱頭  
疼身體疼痛大便自利小便黃赤脉息沉  
細或遲弱者先當助裏用理中湯五苓散  
加少許附子尺脉微弱者小建中湯以助  
其表直候養助得脉息實大洪盛煩渴引  
飲舌生白胎唇口焦燥却當用敗毒散加  
大黃數服不減却用調胃承氣湯一二服  
略略挨過若病未衰表裏本虛便用涼藥

裏寒表虛毒氣攻心轉見潮熱以致不起  
又虛弱虛煩證亦相似傷寒面紅眼赤  
六脉浮弱按之無力但舌無白胎腋下無  
汗小便白大便如常此虛煩也當用參蘇  
飲竹葉石膏湯 下後顛倒謔言妄語者  
牛膽丸麥門冬煎湯吞下 又有下後身  
體振慄昏悶不識人言語不定桂枝柴胡  
湯以溫其表 又有下後發寒寒後大熱



熱後大汗出名曰顛汗極好汗出後即安  
不必用藥但以如聖湯參蘇飲調和之

又有下後遍身楚疹紅赤如斑狀者亦用  
柴胡湯加桂與玄參煎服以溫其表蓋  
表不得汗故也 又有下之過當大便下

血黑如雞肝大便不調心膈痞塞發呃嘔  
吐食飲不下咽此由下之太早下之太過  
陽無所歸毒氣衝胃胃氣不和下利血水

上嘔呃逆當即用甘草瀉心湯不三五服  
便納食便瀉止却要一一照方修合乃可  
若不依方無功效 又有水痞因飲冷水  
過多心膈痞塞泄瀉不住用白豆蔻確砂  
仁甘草半夏茯苓良薑乾薑鍾乳沸湯調  
下 又有熱氣上攻心膈發爲呃逆者小  
柴胡湯加半夏陳皮如黃芩之數與服  
又有傷寒協熱自利舌生白胎潮熱往來

煩渴引飲下清紅水似乎痢狀却無甚糞塊六脉實腹中微痛此蓋裏有積聚宜調胃承氣湯微微下之 又有下後食復腹滿腹痛痰涎壅盛仍當用調胃承氣湯下去食積方得 又有發熱頭疼身痛面紅頰赤十指掌皆溫暖亦如陽證但脉息浮大無根出多入少舌無白胎小便清白此虛熱也蓋氣虛感寒邪或冒風冷當用生

附子二三錢甘草一錢白朮三錢細辛三錢薑棗葱鬚煎服出汗即解若便用涼藥即為大害候熱退身不痛但頭疼未已者過三四日却進如聖餅或太陽丹葱白散之類斷然安愈

婦人

產前

凡婦人之病多於男子者為有產前產後

與夫月事愆期之證又况產前產後證候相似而實不同是不可不詳審也且如產前惡阻人多不識但以經候三兩月不行忽然頭暈眼花不進飲食似病不病腹中隱痛時乎嘔逆惡聞食氣顏色枯瘦醫人便作血劫勞治之或作虛損治之誤矣當依子懸證施治無不愈者蓋胎氣湊上焦故也雖然亦當以脉叅之若尺脉滑濇往

來如珠三五動或六七動一止如有物阻住不得往還之義者即妊娠脉也或關尺中見代脉亦為妊娠脉也又當知是男是女關前之脉浮而健實者為男關後之脉沉滑而弱為女蓋關前屬陽關後屬陰也以此為準惡阻謂之子懸當用紫蘇安胎飲不五七服胎氣近下便病減進食若未安二陳湯吞紅丸子便進飲食頭不暈眼



不花矣 若人丁羸瘦建中湯加當歸川芎煎服却要以慢火炒過肉桂方得諸病皆可隨證投藥但要不要傷胎氣足矣如黑錫丹大補湯健胃藥皆可服 又有腹中隱痛宿有風冷積聚之疾元氣本虛氣血養胎不蔭產母又食生冷起居不調致淋瀝白淫或下白帶如米泔白色者名曰漏胎皆脾元虛冷腎氣虛弱當服七聖散加

貼多方少效則徒爾勿謂一二服無效便咎藥工蓋藥力未到也 又有妊娠六箇月七箇月或日子足其母忽因傷寒熱病胎臟爲熱所爍或產不足或因打撲傷損而胎死者一時難驗但看妊娠身體忽然打餉振慄面色青黑唇口青黑舌下青色皆胎孕已死即須用藥下其死胎如霹靂奪命丹等當門子桂末亦效其餘證候難

驗胎孕死生惟振慄一節便見

產後

產後之病極難辯蓋有病相似而用藥不同最要審察勿致天枉產後血虛所投藥石停留久之病者困篤難以禁任先當察脉虛實次察形色壯弱然亦須究問病之根源與產後下血多少酌量輕重下藥若脉細而沉勻靜和緩六脉皆停當斷然平

穩無事若緊數浮大洪弦者即爲病脉

凡產後腹中絞痛潮熱往來頭暈眼花皆

由惡露未盡用五積散加醋煎服或加童

子小便尤好極有神效 又有產後只腹

痛走注不定無潮熱頭疼者亦敗血也花

藥石散酒加童子小便煎調二三錢即得

安寧除去敗血永不作病 又產後敗血

未去因事激觸怒氣傷肝血與氣搏如未

分挽腹脹刺痛此由血氣不和陰陽不調  
枳殼散五積散打和加醋童子小便煎  
產後下痢色白如膏頰併不止腹中隱痛  
此由產後多食生冷坐卧風濕蘊積臟腑  
分挽既虛血氣不調遂致滯下復有產後  
食肉大早亦致此病當問病家仔細却與  
藥餌臟腑宿有風寒暑濕者宜理中湯五  
苓散打和先進二三服却進痢藥如食肉

太早有積聚者感應丸五六服夏月仍  
五苓散吞之却進投調理榮衛之藥然不  
可驟進藥恐傷脾氣不能飲食則困重矣  
又有產後忽作喘急氣促腹脇絞痛嘔  
吐食飲往來微熱睡卧不得只欲側者芩  
窮湯大料煎服 又有小產後血崩不止  
芩窮湯更以百草霜櫻櫚灰以薑燒死側柏葉  
炒烏梅燒灰存性鹽子五倍子等分紅酒調下



若人丁虛弱建中湯加當歸川芎煎服更  
佐以五靈脂散 產後陰門挺出名曰陰  
脫皆由產中用力所致白礬一錢重五倍  
子半兩水二盞同煎令得所澆洗却用絹  
帛滲乾以綿托入 產後心痛不止大巖  
蜜湯極效 產後下血過多津液枯竭腎  
水與心火不既濟煩渴者五味子麥門冬  
人參天花粉甘草黃芩等分並依法製度

水棗糯米三十粒煎服 產後大便不通  
津液枯少麻仁丸五仁丸皆效 產後小  
便不通五苓散加木香滑石末甚者八正  
散 產後傷食潮熱腹痛感應丸此要者  
人迎氣口以斷食積感冒產後敗血未盡  
虛潮熱者五積散感冒極效或用四物湯  
加香附子亦極效 產後感冒頭痛嘔吐  
者五苓散香薷散加甘草效此要者時候

如何用之 產後澡浴太早感濕感風筋  
脉拘急兩脚疼痛或成風疹者五積散加  
木瓜茱萸檳榔酒煎服更佐以川烏丸作  
風濕脚氣治之得效 產後未經半月傷  
肉食而泄瀉生料平胃散加豆蔻煎極效  
更以七聖散佐之 產後血風癩疹風瘡  
靈寶丹黑神散打和酒服 產後敗血不  
盡血滲四肢變為黃水氣促喘脹醫家不

識作腫病治之非也當用大調經散秘傳  
通血藥 若風濕腫滿者葶藶散主之

又有傷肉食生冷而腫滿者白豆蔻丸神

保丸 大小產後下血過多顏色黃瘦四

肢無力惡露不止脾腎虛弱者七聖散固

真丹二藥兼服不半月紅顏如舊 產後

腫滿并疼痛喘促多因敗血流注四肢故

雖虛不可便補勢須活血通氣血行氣運

自然平復若加補益敗血得補滯而不行  
血與氣搏變生他證產後諸疾無過黑神  
散五積散奪命丹花藥石散皆去敗血不  
可不服蓋人身無出血氣兩字血氣和則  
安不和則病故以調血順氣爲先 產後  
潮熱用交加散收效甚多

### 血崩

凡婦人血崩非止一證有血虛者有因

憂有因怒氣或產後行房傷損血海有因  
服冷藥斷生而得崩漏有因啗食生冷及  
產後不節食飲多食傷脾胃胃受傷精液  
不運化亦致白淫白帶崩只一名却分赤  
白若血虛生冷服斷生藥食飲傷脾多致  
白淫白帶怒氣驚憂產後房勞多致赤崩  
純下血或血片白帶易治赤崩難治大凡  
婦人經血不勻或進或退不循日數者漸

成崩漏宜早療治蓋赤帶起於心肝白帶起自脾胃心肝難以制禦脾胃易於保養紅崩病勢重者與震靈丹菖蒲酒空心下大料芎藭湯吞十四友丸大阿膠丸定志丸輕則黑錫丹玉華白丹伏龍肝散仍佐以崩漏藥此要酌量病勢輕重藥性緩急施用白淫白帶養氣丹黑錫丹固真丹十補丸七聖散平胃散加川薑豆蔻烏梅薑

棗煎服老人三建湯靈砂丹益歲丹黃芽丹皆可服仍灸關元穴肝膈穴尻尾骨等久之平復白淫白帶一食冷物如魚鰕生冷之毒即能再作紅崩一有憂驚怒氣亦能再作

小兒

小兒在母腹中一月胚二月胎三月血脉成四月形體成五月能動六月筋骨立七



月毛髮生八月臟腑具九月穀氣入胃十月有神備而生或於胎中饑飽喜怒得之於母則寒熱虛實賦之於兒以致五臟不調真氣衰痿而生諸疾 小兒半歲已下未見形候先聽聲音乃辯心腹之疾啼聲輕快氣道順續則五行順理榮衛和調爲無病若啼聲一向呌不止直至困方住此心有痛躁煩啼也歌曰嘶嘶細細無休歇

必定生風君請說愛餐冷物好長吁聲散不全多是熱啼聲或大又或微此名冷證切須知聲高氣大還遲緩只是胸中積氣爲連連相屬仍相應榮衛調和無重鄭蓋緣病退見全聲惟有良工能審聽 小兒脉呼吸八至者平九至者傷十至者困診小兒脉法多看關要以部脉爲主若緊爲風癩沉者乳不消弦急者客忤氣小



兒是其日數應變蒸之時身熱而脉亂汗  
出不欲食食輒吐哕者脉亂無苦也

小兒大便赤青瓣飧泄脉大手足寒難已  
脉小手足温易已 小兒病困汗出如珠  
著身不流者死凡初得病其頭毛皆上逆  
者必死耳間青脉起者癩癧或顛陷唇乾  
目皮反口出冷氣倦卧如縛掌中冷皆惡  
候不可治也

急慢驚風

小兒驚疾皆起於心而流傳五臟六腑初  
得驚疾且辨陰陽以定急慢 急驚風病

在肝風心火目已直視連眇而手未搐搦  
者此爲肝風已至而心火未炎速用導赤  
散及衝風散瀉心火少遲則手足搐動此  
爲肝風心火二臟交戰速煎導赤散調瀉  
肝散加生蜜少許連進俟證候定却與化

痰鎮心醫或治療失法變爲他證四證俱見八候皆來此須截風墜痰散熱除驚四證者何驚痰風熱也八候者何搐搦掣顛反引竄視也四證八候皆爲急驚惡證截風用醒脾散墜痰用控涎丹真珠天麻丸只一服以下痰爲度散熱加減人參羌活散抱龍丸除驚鎮心藥仍間服膽星及太乙鎮驚丹搐搦竄視便當觀男左女右以

分逆順男搐左爲順右爲逆女反此男搐大指外順內逆女反此男竄上順下逆女反此男視左順右逆女反此遇此惡證速用天竺黃散仍多服膽星八候雖定亦未可便爲無事仍時服太乙鎮驚丹抱龍丸等藥 慢驚多因吐瀉後或久病後調理失宜忽然手足冷昏昏似睡時時吐乳手足痠癢欲搐不搐或作鴉聲此爲陽氣欲

絕慢驚惡證也慢驚已爲惡證極而傳爲慢脾慢脾又重於慢驚何謂慢脾閉眼是也何謂慢驚開眼是也二者皆爲陰證治療之法皆以回陽助胃爲急若云散驚驚不暇散若云截風風不暇截若云墜痰痰不暇墜只候胃氣正陽氣回四肢逐漸溫暖證候自然寧貼首以青州白丸子拾粒金液丹二十粒研細用人參米飲湯煎時

時調下仍時灌陳米飲以助胃氣四肢稍溫則倍加金液丹同青州白丸子末常常與服服藥之後未見功效急用回陽丹仍服蝎烏湯重則加蝎附湯以後調理用人參黃耆散隨證調理小兒直視而不斜手足動口流清沫忽得此證此爲蟲候可用理中湯加烏梅安之後用藥取之小兒平居聞響跳掣此爲肝肺有虧故竟鬼不

足肝臟竟肺臟鬼也此證不可以驚治之  
止用定志丸收效不必他藥 小兒平居  
無事忽然手足發搐喉中無涎響面赤身  
熱耳紅此爲瘡疹證不可以驚治之 凡  
治急慢二驚不可分毫差失去人家醫驚  
風且問病家小兒曾經吐瀉不曾如未經  
吐瀉久病必非慢驚手足搐急喉中有涎  
大小便閉面赤身熱爲急驚證手足冷時

吐時瀉面色洗白精神昏昏似睡爲慢驚  
證 大凡治急慢二驚急驚屬陽肝風心  
火二臟交戰鬱寒于中故可用腦麝導邪  
氣慢驚屬陰陽氣欲絕若又用腦麝開其  
腠理則難治矣

### 瘡疹

瘡疹者五臟各有一證治法則同肝臟水  
泡肺臟膿泡心臟發斑脾臟發疹傳腎臟

即黑陷發之初也中指冷尻骨冷鼻尖冷手足冷耳冷身上潮熱時嚏噴欬嗽睡中驚悸此爲疹證然又有不然者不若只以耳後有紅絲紋而身發熱者即是疑似之間且下加減十神湯惺惺散人參羌活散參蘇飲稍見形迹便下八味麩毒飲加炒糯米煎有瀉則去枳殼加糯米木通吐則加藿香煎服 古方用升麻葛根湯治瘡

疹已發及未發者且乾葛一味解肌膚開腠理利於表而傷於裏雖能發出瘡疹然兒體怯弱瘡發太多亦能令裏虛生他證如慢驚如黑陷故本家醫疹豆首尾不用乾葛用藥之初必用八味麩毒飲者升麻解毒揚州芍藥生血川芎散肝風防風去遊風木通利小便導毒氣枳殼寬臟腑不使毒氣留滯荆芥去外風羌活散時氣客



熱服此藥後疹毒解散無出者有之縱生亦稀少證候已定且停住藥莫更攻擊候定恬却用加減消毒飲兩三服此證無補法但不消毒終有餘毒將後或生癰疽脇癰或齒中出血或潮熱往來或時紅點此皆不消毒所致也 瘡疹有服涼藥太多發為黑陷或手如鏡面或因發散太過裏虛而然者皆為惡證急與生血固裏之藥

瘡疹欲出未出或已出外受風邪發搐搦者用紅綿散 瘡疹已出不齊并不甚紅活者用安斑散 瘡疹未經消毒傳入脾經齒中血出口中臭氣身體潮熱者可用香白芷煎湯嚥下龍腦雞蘇丸多服取效後仍服加減消毒飲 大凡瘡毒皆可服消毒飲 疹豆且須先護眼只臙脂塗護眼眶即不入眼

傷寒

小兒傷寒因當解脫而得有三證曰正受傷寒夾食傷寒夾驚傷寒其發也與疹豆相類而有表裏不同瘡疹自裏而出表傷寒自表而入裏正受傷寒者止乎傷寒一證夾食傷寒者於當食之際爲風寒所傷或感風之後而又傷於食夾驚傷寒者於傷寒之際而遭驚凡治此疾者俱先與解

熱極生風宜服薄苛散 治夾驚傷寒發

搐宜紅綿散 治傷寒極熱五七日大便

不通小便血赤服加減小承氣湯 治傷

寒血虛自汗潮熱黃著散 治傷寒發吐

正氣散 治傷寒胃熱嘔吐葦澄茄散

治傷寒夾食大便酸臭飲食不進潮熱往

來加減小承氣湯 治傷寒熱入心日間

無事至暮發熱狂言亂語加減溫膽湯

吐瀉

小兒吐瀉有數證不可一例論凡是吐疾不論冷熱皆須藿香為主胃寒吐乳藿香散加陳皮硝砂半夏蒼朮厚朴甘草以和胃氣久吐有涎者藿香湯下半丁丸吐而又瀉者名霍亂錢氏謂五苓散以導其逆埋中湯以溫其中固好但夏至後陰氣日盛陽氣日虧澤瀉一味大賊腎氣小兒氣

稟怯弱若腎氣又虧易成慢驚夏秋之間纔得吐瀉用五苓散去肉桂澤瀉打和平胃散炒糯米煎或米飲調下若一二服後吐瀉轉甚身體極熱者乃陽浮於外非實熱也若用涼藥退熱表裏俱虛陰極陽絕矣此證不論暑月須用四君子湯加乾薑訶子豬苓赤茯苓肉豆蔻木通炒糯米煎蓋參朮薑蔻能固臟腑赤茯苓豬苓木通

能利小便藥雖澀滯却無膨脹直下難服  
煎藥者陳米飲下固腸丸多服收效後用  
參苓白朮散加減調理 瀉下蟲者此因  
臟腑虛寒四君子湯所加藥內每服止加  
烏梅半箇煎 吐蟲者此因胃寒蟲動宜  
烏梅丸 渴者因瀉後津液枯渴用加減  
縮脾飲草果兩箇煨陳皮去白烏梅一箇  
如用鹽木灰代烏梅或五味子更妙多煎

冷服其渴自止不傷胃氣 吐瀉未止而  
變驚搐者未可即下全蝎僵蠶治驚風藥  
且須用乾薑豆蔻等住瀉仍服固腸丸正  
胃氣爲先方書云病家畏驚不畏瀉醫人  
畏瀉不畏驚病勢危極手足漸冷於前藥  
內加附子及用青金丹濃煎陳米湯化下  
白丸子有川烏南星白附子皆截風化痰  
金液丹能回陽氣以後調理隨證加減

食積大重久瀉不已糞下酸臭飲食雖進日漸黃瘦已下乾薑豆蔻等藥而瀉自如者食積未除故也可服快元丹數粒推下積滯却用峻補之劑如附子等此辟以止辟刑期無刑之道也尋常下青糞者不可便作驚醫此爲肝木盛尅脾土肝主青色脾土爲木所乘故糞青也若服驚藥未免寒涼轉傷脾土翻成慢驚治法四君子

湯內倍加白朮橘紅硝砂等炒糯米煎脾氣正糞自黃因食得瀉服煎藥無效者用固腸丸加三稜莪茂濃煎燈心湯下臟寒感冷瀉水青色者理中湯倍加白朮腹痛叫哭者加京芍藥疳瀉腹大飲食雖多不生肌肉大便聚泄者常服局方五疳保童丸熱瀉糞色黃小便赤冷瀉糞色青時時腹疼食瀉穀食不化糞酸臭



痢疾

小兒痢疾皆原於積熱入大腸則爲赤痢冷則爲白痢得痢之初赤白未分煎生料五苓散調枳殼散下感應丸蓋五苓散能分陰陽枳殼散能寬臟腑感應丸能推去壅滯陰陽分則冷熱勻臟腑寬則裏不急積滯去則臟毒解以後隨其痢色赤用黃連丸白用茱萸丸二色皆用二藥打和服

之痢止隨證用藥調理 久痢忽然發熱禁口粒米不能食者此大惡證由臟毒上逼胃口故也四君子湯多加石蓮肉連心生用及碓砂等與服兼用香脯法 五色痢者此爲五臟皆受毒也或兼腹痛者皆爲惡候用雞子清法推下積毒仍用雞子清補法神妙後用加減參苓白朮散調理大凡治痢之法當以化積厚腸助胃爲本

癘疾

小兒癘疾因傷於暑或飲水過多或飲食失度或好食生冷致傷脾胃而生痰飲熱多寒少陽盛於陰寒多熱少陰盛於陽寒熱相半陰陽交爭治療之初當以五苓散去澤瀉打和小柴胡湯進兩三服陰陽分寒熱定以後單寒者用四君子湯加草果烏梅半夏蒼朮陳皮礞砂青皮檳榔薑棗

煎服單熱者小柴胡湯加檳榔礞砂陳皮青皮熱極大便連日不下者小柴胡湯加枳殼大黃二服過下餘熱不退者四君子湯加粉葛柴胡前胡以後隨證用藥調理久瘧飲食減少氣體虛弱者先與正胃氣待飲食進氣體實却服後截藥以後仍須補脾 大凡治瘧必須先與發散寒熱次與調停胃氣消化痰飲若是便用截藥

不惟無益反生他證瘡後脾虛發腫者有因誤服截藥者有因誤食毒物者皆用四君子湯加草果檳榔大腹皮硝砂釣藤木通緊脾利水腫後更宜調理

### 癥瘕痞癖

小兒癥瘕痞癖四證癥者因傷食而得之瘕者因傷血而得之痞者因傷氣而得之癖者因積而得之證雖不同治法相似初

作也身體或寒或熱有如瘡狀腹脇之間漸漸突出一塊按之無物其病尚輕按之有物其病已進令兒日漸黃瘦飲食減少此不可遽用下藥只合磨積調氣寬腸助胃其塊自然消散其後隨證調理先下莪茂散次服參苓白朮散

### 腫疾

小兒腫疾起於脾脾土敗不能制腎水反

為水所勝脾主四肢水浮入四肢隨入肌  
膚故手足身面皆浮有欬嗽發喘者脾與  
肺為子母脾土不能生肺金故喘嗽也又  
有驚腫者小兒前後重疊被驚心主驚心  
被觸惱心火炎燥發渴飲水水漬傷脾土  
故流入四肢而腫也其候身熱者是又有  
積腫者小兒食積停滯臟腑脾土不能克  
化積化為水其候身體乍熱乍冷四肢頭

俱浮者是三證之中積腫為重也原其端  
皆由脾敗而得治法無甚相遠皆須先與  
利水次與緊脾利水用釣藤散緊脾用四  
君子湯加草果礞砂蒼朮厚朴橘紅等藥  
諸證退後更宜於脾經加意調治庶免再  
作則難療 欬嗽喘滿者釣藤散加五  
味子半夏桑白皮桔梗有熱不可攻熱水  
利腫消熱亦自退其他隨證施治言不能

悉

欬嗽

小兒欬嗽原於肺肺主皮毛腠理乳母將護不謹捧抱當風風自推骨下肺腧穴入

此即第三節骨也

初生孩兒而有此證未可便下

輕粉砒礬酸澀之劑有熱當用玉露散退熱有頑涎當用硼砂青黛寒水石朱砂爲末蜜調薄苧湯化時時與服有潮熱面赤

此爲外感風寒當用惺惺散去括樓根麻黃除肺家風熱其或痰涎太盛嗽不轉者當用控涎丹微利之其有小兒久嗽服藥已多不獲力者當用胡桃膏乳前乳後時時與服滋潤肺家嗽逐漸寬其有熱嗽痰與血俱出者用硼砂青黛朱砂寒水石爲細末茅根桔梗麥門冬湯化下其有秋月得嗽者此爲肺氣太壅須與瀉肺散久



嗽肺虛用補肺散加葶藶大抵嗽疾多是  
日輕夜重者夜間陰盛肺開故也不可急  
於收功欲急收功反生他疾

### 自汗

小兒自汗皆原榮衛不調睡中遍身汗者  
肌肉虛故也上自頸不過頸者六陽虛汗  
不必治也上自頸下至臍者胃虛發汗宜  
服補脾散大抵小兒自汗不可峻止止汗

即成閉氣或生潮熱煩躁只用肥白木一  
兩重小麥半升水三盞煮至乾去麥取木  
焙乾爲末濃煎麥門冬湯調服至妙

### 疳疾

疳之爲言甘也受食肥甜而生疳蟲互臟  
皆有疳也而治法亦相類口臭生瘡名心  
疳齒焦爪黑名腎疳食不消化好食土炭  
名脾疳多吐名胃疳鼻下生瘡名肺疳又

名匿鼻眼白帶青及兩眼眩痒名肝疔齒齲爛名崩砂齒斷名截齒口唇爛名走馬疔病在腎頭皮光毛髮豎立顛腫顛腫多眼疾多頭瘡名腦疔面色青黃喎乳多睡腹中結塊口內有瘡名妳疔形漸黃瘦拍背如鼓鳴脊骨鋸齒時發潮熱名疔積頭大鶴膝骨立名無辜疔以上諸疔多服局方保童丸橘連丸赤金丸蘆薈丸匿鼻用

錢氏五福化毒丹桑白皮煎湯磨服走馬疔用化毒丹入生地黃汁調塗疔積作熱用露星丸皆須多服以絕病根大凡小兒飲食麤者常服麩脾丸可免疔疾

### 胎驚

小兒胎驚由在母腹中被驚兒亦受驚或妊婦遭顛撲致兒受驚生下滿月內驚者即胎驚宜服牛豬散及全蝎散

胎寒

小兒胎寒由在母腹受寒生下乳母又不能將護復感外寒其候面色青白四肢逆冷手足顫動有如瘧疾之狀或噤口不開此乃胎寒若下驚藥十不救一宜用當歸散

胎熱

小兒胎熱又名胎黃此由母腹受熱或妊

婦喜食辛辣滯膩之物致小兒生下面色身體皆黃小便如梔子汁或時發熱日夜啼哭此爲胎熱證也宜服地黃湯

腹痛

小兒腹痛有數證有感冷痛有傷食痛盤腸氣痛臟寒蟲動痛瘡疹發作痛積滯不化痛治各有法不可差誤感冷者脉沉細糞色青宜與理中湯温煖臟腑傷食者脉

系糞下酸臭宜與快元丹推下後用參苓  
白朮散調理盤腸氣者腰曲哭無淚唇乾  
額汗脚冷此由內寒而吊腎亦原於此理  
中湯可闌服止痛用乳香散二三服以後  
調理只理中湯加木香臍寒蟲動者時偃  
曾堂面青口流涎沫而用手揩抹心頭先  
用理中湯加烏梅數服安蟲煖臍後用藥  
下之次調理大凡取蟲須待氣體實及月

初蟲頭向上方取順快初十後至月盡蟲  
頭向下難取以前且一面用藥調理脾胃  
牢固元氣其有孩兒肌肉消瘦氣體怯弱  
不堪瀉下者不可頓取瘡疹發作腹痛止  
用本方藥更不重述積滯不化腹痛者面  
黃食少米穀不化遇食輒痛此須推下後  
與調理大抵腹痛多因臍冷得之醫書云  
諸痛皆宜下然亦須量兒虛實不可輕易

鼻衄

小兒鼻衄者由榮熱得之血逐氣行肺主氣屬鼻血不循經故隨氣自鼻出也治法用地黃湯加茅根赤芍藥桑白皮燈心多煎冷服外用乾薑削尖塞鼻

口瘡

小兒口瘡由心脾積熱極則喉痺爲頤腫初生孩兒不可吮乳又難用藥先用南

星爲細末醋調塗緋絹貼脚上或吳茱萸爲末如前法亦好蓋二藥能引拔風熱歸下候口中稍涼進得乳一二口却用地黃汁入生蜜一二匙溫熱候冷用匙挑徐徐與服外用塗舌藥取出熱涎乳母服導赤散喉痺則積熱已極痺者塞也凡小兒諸病不可妄吐大傷脾胃氣惟喉痺一證熱痰窒塞喉間若不吐出命在頃臾先用



吹藥吐出頑涎次服升麻散利下熱毒  
顯腫亦風熱上攻宜服加減消毒飲甚者  
就內加大黃通下此三證皆無補法

### 小便白濁

小兒尿白濁者因乳哺不節飲食失宜致  
傷脾胃故令清濁相干而尿色白也久而  
不治漸成疝疾治療之法常與踈脾化積  
消食開胃服湯氏京三稜散

### 小便出血

小兒小便出血及丸竅出血毫毛下亦有  
出者此皆虛證因心疾得之治用白芷以  
鐵線穿定麻油燈上燒存性藕節等分同  
碾爲細末麥門冬煎蜜湯調下即止次服  
黑錫丹立效

蓋此疳有補  
益鎮墜之功

### 瀉血

小兒瀉血者由食毒傷腸又兼熱毒故滲

入大腸而便血也宜服胃風湯并下駐車丸

癩疾

癩之爲疾又是一種雖有五癩之名要不必拘大率不過食驚風三證而已其發也痰涎壅塞于心肺是致關竅不通有如驚風天釣之狀沉沉默默無由甦省若死而生生而復死忽爾氣回開竅漸通竟竟復

故向後心被觸惱發作如前乃知癩之爲病皆由虛痰冷涎頑然結聚于胸臆久而不治必至害生或爲廢人祕方奪菟丹服之神驗

脫肛

脫肛由瀉痢後用力過當故腸頭出若腫而喘不治證也尋常塗洗法見前卷

夜啼

夜啼凡有三證心經熱感冷腹痛外邪所  
干如夜卧啼哭見燈即住舌上白胎者心  
經熱證也啼哭捧抱偃曲糞青者感冷腹  
證也面青者外邪所干證也心經熱地黃  
湯主之冷痛理中湯外邪干鎮驚丹三證  
不能辯不若只用蟬蛻六七枚去大腳及  
土為細末臨睡用蜜調與服屢驗

雜證

小兒面色常黃全無血活飲食無阻多服  
脾藥如草果陳皮硝砂等而轉喫轉黃者  
原於服脾藥太過太繁草果陳皮等皆燥  
脾脾土喜燥不宜大燥燥則困而不甦矣  
當服滋潤之藥使脾土稍甦則血氣自調  
面亦自紅

四物湯加五味子杏仁

湯乃生血之藥

四物湯本治

遂愈豈不

方脉舉要卷下

終

甲寅歲立秋日吳  
時用書黃周賢刻

